

H I S P A N I A.

154

*Regia.
Nomina & un-
de deducit.*

Hispania nobilis Europæ Regio, primaque Continentis Terræ Pars, ab Hispano Rege, ut notat Iustinus, dicta est. Alii sic nominatam volunt ab Hispali urbe nobilissima, quam hodie Serviliam appellant. Abrahamus vero Ortelius, Vir in Palæstra Geographica valde operosus, quum Iberiam Asie Regionem olim Paniam a Pane, quem Iberis Dionysius, victoria potitus, præfecerat, inde vero Spaniam ab Iunioribus vocaram fuisse, legisset apud Auctorem de Fluminibus & Montibus, fidem sequutum Sothenis lib. IIII. regum Ibericarum: scriptoresque fere omnes animadvertisset primos Hispaniæ Incolas ex Iberia usque derivare, adductus est, ut ab Spania potius illa, quam ab Hispano vel Hispali nomen Regioni inditum, crederet. Sane Spaniam nominat D. Paulus Epistola ad Roma. cap. xv. Spaniam etiam vocat alibi D. Hieronymus, ac multi alii. Quam autem Hispaniam Latini Scriptores, Ptolemæus, Stephanus & alii Hispaniam vocant, reiecta adspiratione, temporibus antiquissimis Iberiam & Hesperiam nominatam memoriae produnt Strabo, Plinius, aliquie. Iberiam quidem ab Iberia Asie regione, unde primos Hispaniæ Incolas non pauci deducunt. Alii Iberiam ab Ibero Rego trahunt; alii ab Ibero flumine; Avienus ab Ibera Bæticæ Opido. Hesperiam vero, ab Hespero, ut quidam memoriabant, Atlantis fratre, vel ut Horatius putat, ab Hesperia Hesperi filia, vel potius ab Hespero stella Occidentalis, quia in Europæ Continente nihil est hac Regione Occidentalius. Quumque & Italiam nomen idem esset, Horatius hanc Ultimam canit. Celtiberam quondam fuisse nominatam tradit Appianus: quæ tamen pars Hispania (quam Celticam olim dixerunt teste Varrone) potius censenda. Sepharad Hebreis dici notant Gulielmus Postellus & Benedictus Arias Montanus in Abdiam. Atque hæc de nomine: sequitur Quantitas & Qualitas. Quantitas consistit in Finibus & Circuitu, quæque inde quasi nascitur, Forma vel Figura. Quod igitur ad Fines alluit Hispaniæ duo quidem latera Oceanus; Aquilonare Cantabricus; Occidentale, Atlanticus; Tertium, quod ad Meridiem, ubi Fretum Herculeum, Mare pulsat Ibericum, quod & Balearicum; versus Orientem Pyrenæos habet Montes, perpetuis jugis ab Oceano, ubi Flaviobriga, hodie Fuentarabia, tendentes ad Mare Mediterraneum; duobus insignes Promontoriis, uno, quod Olarsa cognominatum, in Oceanum projecto, altero, quondam ab Veneris Templo, nunc vero, ab S. Cruce denominato, in Mediterraneum. Hispaniæ longitudo maxima milliarium Hispanicorum cc. Latitudo qua maxima cxl qua minima lx. Ioannes Vasæus in Hispania Chronico memoriae prodit, Hispaniam ad Pyrenæos tam angustam esse, ut cum per eos iter faceret, in monte D. Hadriani, Ferdinando Colone rerum istarum peritissimo commonstrante, nisi se fellerit ad spectus, utrumque viderit Mare: Oceanum scilicet, cui peregrinantes erant proximi, atque eminus, quo usque oceanorum acies ferre poterat, albicantes Maris Mediterranei fluctus. Circuitu autem D. c. mill. statuunt, & amplius. Strabo, Ptol. & alii Hispaniam comparant Corio Bubulo humi protento: cuius partes ad collum pertinentes in adhaerentem ipsi Galliam porrigitur. Collum inquam, quantum protendit Mons Pyrenæus ab Mediterraneo Mari ad Oceanum Britannicum: inde dilatatur ad Brachia, ab Nova Carthagine usque ad Cantabros.